



Prescricións técnicas para a contratación dunha asistencia técnica co obxecto de fomentar a implementación efectiva dun protocolo de seguridade e confianza nos restaurantes Kilometro Cero Mar Galaica e nas súas lonxas submistradoras, co propósito de incentivar o consumo en restaurantes Kilometro Cero MARGALAICA, e promocionar o recurso pesqueiro do noso territorio.

Xustificación.-

O GALP COSTA SOSTIBLE, respondendo ao seu compromiso de responsabilidade social, económica e ambiental co seu entorno, implanta o selo promocional Kilometro Cero Maragalaica nos establecementos de restauración do seu ámbito territorial pertencentes o Club de produto Margalaica, sendo este ademais un requisito para obter o financiamento do programa de axudas do Galp para todos os establecementos de restauración. Dito requisito recóllese na medida 2.4.1.2 Iniciativas de restauración e gastronomía integradas no programa Kilometro Cero Margalaica da súa EDLP, dentro da liña de actuación Apoio ao investimento turístico xerador de emprego.

- Os requisitos de dito selo tenden a identificar os produtos procedentes das lonxas do territorio, e a sensibilizar ao consumidor no seu consumo.
- Os establecementos portadores deste selo, na actualidade 17, pertencen á Ruta dos Faros de Galicia, e figuran nos soportes promocionais da mesma.

A nova situación que se nos presenta debido ao Covid-19, fai necesario xerar confianza e seguridade en toda a cadea de valor, dende a orixe do produto ata a elaboración do mesmo, facendo visible, ante o cliente obxectivo, o compromiso coa calidade e coa seguridade e saúde.





Obxecto da proposta presentada.-

Fomentar a implementación efectiva dun protocolo de seguridade e confianza nos restaurantes Kilometro Cero Mar Galaica e nas súas lonxas subministradoras, de xeito que o cliente obxectivo poida ver, cos seus propios ollos, uns procesos transparentes e seguros (dende un punto de vista hixiénico-sanitario) que van dende a compra na lonxa ata a elaboración na cociña e a presentación na mesa.

O traballo englobaría as seguintes accións:

- Establecemento dun protocolo de boas practicas en toda a cadea de valor dende a merca de produto na lonxa ata a presentación na mesa. Dito protocolo deberá englobar a normativa legal aplicable.
- Implantación in situ deste protocolo de boas prácticas con formación individualizada e asistencia a cada unha das casuísticas no que estarían incluídos tamén as lonxas do territorio.
- Dar visibilidade a todo o proceso seguindo o protocolo establecido, dende a merca do produto na lonxa, a recepción da mercancía, conservación, transformación, elaboración e presentación dos pratos, mediante a gravación dun vídeo promocional que poña en valor o noso recurso pesqueiro e a calidade destes establecementos.
- Organización dunha campaña de comunicación e divulgación das accións realizadas.

Contido das propostas.-

Unha breve memoria técnica na que o licitante exporá a súa maneira de dar forma e concretar o traballo a realizar.

Orzamento, onde aparecerá especificado o prezo do servizo co IVE desagregado.

Neste prezo non se incluírán os custes de gravación, edición e montaxe do vídeo, e da materialización da campaña de promoción, que serán contratados directamente polo Galp segundo as especificacións técnicas que lle sexan facilitadas pola empresa prestataria do servizo.





Grupos de Acción Local
do sector Pesqueiro
Seo de Fisterra Ría de Muros-Noia:
Costa Sostible



UNIÓN EUROPEA

FONDO EUROPEO MARÍTIMO
Y DE PESCA (FEMP)

Requisitos.-

Os distintos licitantes acreditarán a súa solvencia técnica de xeito que quede latente a súa capacidade para desenvolver o contrato.

Acreditarán a súa capacidade para contratar mediante unha declaración responsable e cumprimentando o anexo II que acompaña a estas bases.

Acreditarán así mesmo que non existe ningún tipo de vinculación coa entidade contratante.

Prazo e forma de presentación.-

As propostas presentaranse por correo electrónico ao enderezo galp.mar.costasostible@xunta.gal.

O prazo de presentación rematará aos 15 días naturais contados a partir do día da publicación destas prescricións técnicas (9 de xuño).

Prazo de execución.-

Os traballos deberán estar rematados na data do trinta e un de xullo.

Prezo do contrato.-

O prezo máximo do contrato será de 14.990,00€ mais IVE.

Valoración das ofertas

O servizo adxudicarase a proposta mais vantaxosa economicamente.

En Noia a 25 de maio de 2020

Daniel Formoso Moledo
Presidente Galp Costa Sostible



XUNTA DE GALICIA
CONSELLERÍA DO MAR

